

粵古古

今
今
風

風諺謠





古 今 風 謠

楊 慎 纂

編主五雲王

編初成集書叢

種二他其及謠風今古

中華民國二十五年十二月初版

密

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

古今風謠

明 楊 慎 纂

堯時康衢童謠列子

立我蒸民。莫非爾極。不識不知。順帝之則。

中侯稷起謠詩緯

蒼耀稷生感迹。

昌握契謠詩緯

元鳥翔水。遺卵流城。簡狄吞之。生契封。

包山謠

楊方吳越春秋○沈懷園南越志曰牛女之分。揚之末土也。爰有大山。州實曰秦望。又有石簣。峻起壁立。內有金簡玉字。

禹得金簡玉字書。藏在洞庭包山湖。

西海童謠

吳王出遊觀震湖。龍威丈人名隱居。北上包山入靈墟。乃造洞庭竊禹書。天地大文不可舒。此文長傳百

六初。今強取之喪國廬。今強取之四字。一作若強取出。

殷末謠三首

代殷者姬昌。日衣青光。

春秋元命包。

殷惑妲己玉馬走。

殷尙白也。陳子昂詩。昔日殷王子。玉馬遂朝周。○走音近起。○論語比讖。

上天弗恤。夏命其卒。

呂覽。

隨雒二謠 二首○

詩緯

昌受符。厲倡嬖。斯十之世權在室。

剡者配姬以放賢。山崩水潰納小人。家伯罔主異哉震。

剡者。指嬖妻也。孔穎達曰。剡。黷。

古今字耳。

白雲謠

穆天子傳曰。天子觴西王母于瑤池之上。西王母爲天子謠。天子答之。

白雲在天山。陵自出道里悠遠。山川間之。將子無死。尙能復來。

山陵當作邱陵。

穆天子謠

予歸東土。和洽諸夏。萬民平均。吾顧見汝。比及三年。將復而野。

黃澤辭

穆天子傳曰。天子東遊于黃澤。使宮樂謠云。

黃之隄。其馬歎沙。皇人威儀。皇之澤。其馬歎玉。皇人壽穀。

周宣王時童謠

國語作童謠。漢書五行志有女字。

壓弧箕服。實亡周國。

山桑曰。壓。弧弓也。箕。竹名。服。矢房也。○列子。良弓之子。必學爲箕。箕蓋矢房。舊說以爲籀箕之箕非。○顏師古曰。服。盛箭者。今之步叉。箕草似荻而細。織之爲服也。○按箕字。韋昭以爲木名。師古以爲草名。

魯國童謠

左氏傳。魯文成之世童謠也。至昭公時。有鸛鵒來巢。公攻季氏敗。出奔齊。居外野。次乾侯。八年。死于外。歸葬。魯昭公名稠。公子宋立。是爲定公。

鸛之鵒之。公出辱之。鸛鵒之羽。公在外野。往饋之馬。鸛鵒踈踈。公在乾侯。徵褰與襦。鸛鵒之巢。遠哉遙遙。稠父以勞。宋父以驕。鸛鵒鸛鵒。往歌來哭。

論語比考識

子欲居九夷。從鳳嬉。

晉獻公時童謠

春秋左氏傳曰。晉獻公伐虢。圍下陽。問於卜偃曰。吾其濟乎。偃以童謠對曰。克之。

丙之晨。龍尾伏辰。
衿服振振。取虢之旂。
鶉之賁賁。天策焞焞。
火中成軍。虢公其奔。

晉惠公時童謠

漢書五行志曰。晉惠公賴秦力得立。立而背秦。內殺二大夫。國人不說。及更葬其兄恭太子申生而不敬。故詩妖作也。

恭太子更葬兮。後十四年晉亦不昌。
昌乃在其兄。

楚昭王時童謠家語

楚王渡江。得萍實。大如斗。赤如日。剖而食之。甜如蜜。

周末時童謠家語

天將大雨。商羊鼓舞。

春秋時長春謠易妖占

豐其屋。下獨苦。長狄生。世主虜。

齊人謠

春秋實
乾圖

移河爲界在濟呂填闕入流以自廣

書九河注疏引之言齊桓公闕入流拓境塞其東流八枝并使歸于徒駭也

齊人東郭謠

東郭有犬噓噓日夕欲噬我猥西郭有犬噓噓日夕欲噬我猥北郭有犬噓噓日夕欲噬我猥

指豎刁易牙開方三子也

吳夫差時童謠

梧宮秋吳王愁

燕昭王時童謠

戰國策田單攻狄不下童謠曰

大冠若箕修劍拄頤攻狄不能下壘枯邱

趙殺李牧童謠

秦爲笑趙爲號以爲不信視土上生毛

秦皇時民謠

楊泉物
理論

古今風謠

生男慎勿舉。生女哺用脯。不見長城下。尸骸相支柱。

三戶謠

懷王爲張儀所欺。客死於秦。至王賁。芻蕘爲秦所滅。百姓哀之。爲之語曰。

楚雖三戶。亡秦必楚。

甘泉謠

運石甘泉口。河水不敢流。千人唱。萬人謳。金陵餘石大如漚。

虞美人帳中歌

史記正義

漢軍已略地。四面楚歌聲。大王義氣盡。賤妾何聊生。

平城歌

漢書匈奴傳。高帝自將兵三十二萬擊韓王信。帝先至平城。步兵未盡到。冒頓縱精兵三十餘萬圍帝于白登七日。漢軍中外不得救餉。天下皆歌之。白登在平城東南十餘里。

平城之下亦誠苦。七日不食不能穀弩。

畫一歌

蕭何爲法，類若畫一。曹參代之，守而勿失。載其清靜，民以寧一。類音較，讀作獵較之較。漢書作講。史記作類。言法之畫一，若斗斛類量也。

戚夫人歌

子爲王，母爲虜。終日春薄暮，常與死爲伍。相離三十里，當誰使告汝。

淮南王謠

一尺布，暖融融。一斗粟，飽蓬蓬。兄弟二人不見容。此與漢書史記所載不同。見淮南子敘錄。

潁川歌

漢書灌夫任俠爲權利橫潁川潁川兒歌之。

潁水清，灌氏寧。潁水濁，灌氏族。

茂陵中書歌

都荔遂芳，美磴鼓行。

廣陵王歌

廣陵厲王胥，武帝第五子也。昭帝無子，胥有覬心，迎女巫下神咒，詛事發覺當死。胥置酒夜飲，鼓琴歌舞。

欲久生兮、無終、長不樂兮、安窮。奉天期兮、不得須臾。千里馬兮、駐待路。黃泉下兮、幽深。人生要死、何爲苦心。何用爲樂、心所喜。出入無蹤、爲樂亟。蒿里召兮、郭門閱死。不得取代、庸身自逝。

燕王歌

燕王武帝第四子也。昭帝時謀事不成、妖祥數見、發覺、王置酒坐飲、王自歌、華容夫人起舞、坐者皆泣、王自殺。

歸空城兮、狗不吠、雞不鳴。橫術何廣廣兮、固知國中之無人。

華容夫人歌

髮紛紛兮、寘渠、骨籍籍兮、亡居。母求死子兮、妻求死夫。喪回兩渠間兮、君子將安居。

孟康曰、寘音、謂髮挂渠也。

廣川王歌

廣川王去、爲愛、姬陶望卿作。

背尊章、嫖以忽、謀屈奇、起自絕、行周流、自生患、諒非望、今誰怨、愁莫愁、生無聊、心重結、意不舒、內弗鬱、憂哀積、上不見、天生何益、日崔隤、時不再、願棄軀、死無悔。

京兆謠

漢書尹、賞傳。

何所求死子。桓東少年場。生時諒不謹。枯骨竟何葬。

匈奴歌

丁道志曰。焉支、祁連二山皆美水草。匈奴失之。乃作此歌。漢書元狩二年春。霍去病將萬騎出隴西討匈奴。過焉支山千有餘里。其夏又攻祁連山。捕首虜甚衆。祁連山卽天山。匈奴呼天爲祁連。故曰祁連。焉支山卽燕支山也。晉鑿齒與燕王

書曰。山下有紅藍。足下先知否。北方人採其花染緋黃。採取其上英鮮者作胭脂。婦人採將用顏色。吾少時再三過見胭脂。今日始親紅藍。後當足致其種。

失我焉支山。令我婦女無顏色。失我祁連山。使我六畜不蕃息。

長安謠

漢書佞倖傳曰。成帝初。石顯與妻子徙歸故鄉。其黨牢梁、陳順皆免官。諸所交納以顯爲官皆廢罷。少府五鹿充宗、左遷元菟太史。守史中丞伊嘉爲鴈門都尉。長安謠云。

伊徙鴈。鹿徙菟。去牢與陳實無價。

牢石歌

漢書佞倖傳曰。元帝時。石顯爲中書令。與僕射牢梁、少府五鹿充宗結爲黨友。諸附倚者得寵位。民歌之言其兼官據勢也。

牢邪石邪。五鹿客邪。印何累累。綬若若邪。

五侯歌

漢書曰。成帝河平二年。悉封舅大將軍王鳳庶弟譚爲平阿侯。商爲成都侯。立紅陽侯。根、曲陽侯。逢時、高平侯。五人同日封。故世謂之五侯。時五侯羣弟爭爲奢侈。後庭姬妾各數十人。羅鐘磬。舞鄭女。作倡優。狗馬逐馳。大治第室。起土山。漸臺。洞

門、高廊、閣道、連屬彌望。百姓歌之。言其奢侈如此。按傳稱、成都侯穿長安城、引內澧水、注第中、
陂。曲陽侯第、園中土山漸臺、類白虎殿。則穿城引水、非曲陽與歌辭不同。高都外杜、皆長安里名。

五侯初起。曲陽最怒。壞決高都。連竟外杜。土山漸臺。西白虎。

漢成帝時歌謠

漢書五行志曰。成帝時歌謠也。桂赤色。漢家象。華不實。無繼嗣也。王莽自謂黃象。黃爵巢其顛也。

邪徑敗良田。讒口亂善人。桂樹華不實。黃爵巢其顛。昔爲人所羨。今爲人所憐。

漢成帝燕燕童謠

漢書五行志曰。成帝時童謠。後帝爲微行出遊。常與富平侯張放、俱稱富平侯家人。過河陽。主作樂。見舞者趙飛燕而幸之。故曰燕燕。尾涎涎。美好貌也。張公子謂富平侯也。木門倉琅根。爲宮門銅鐻。言將尊貴

也。後遂立爲皇后。與弟昭儀賊害後宮皇子。卒皆伏辜。所謂燕蜚來啄皇孫。皇孫死。燕啄矢者也。

燕燕尾涎涎。張公子時相見。木門倉琅根。燕飛來啄皇孫。皇孫死。燕啄矢。

更始時南陽童謠

後漢五行志曰。更始時南陽有童謠。是時更始在長安。世祖爲大司馬。平定河北。更始大臣並僭專權。故妖謠作也。後更始遂爲赤眉所殺。是更始之不諧。在赤眉也。世祖自河北興。

諧不諧。在赤眉。得不得。在何北。

王莽時汝南童謠

漢書曰。汝南舊有鴻隙大陂。郡以爲饒。成帝時。關東數水。陂溢爲害。翟方進爲相。與御史大夫孔光共遣掾行視。以爲決去陂水。其地肥美。省隄防費。而無水憂。遂奏罷之。及翟氏滅。鄉里歸惡。言方進請陂下良。

田不得而奏罷陂。王莽時常枯旱，郡中
追怨方進，時有童謠：子威、方進字也。

壞陂誰？翟子威。飯我豆食羹芋魁。反乎覆，陂當復。誰云者？兩黃鵠。

王莽末天水童謠

時隗囂初起兵于天水，後意稍廣，欲爲天子，遂
破滅，囂少病，蹇吳門，冀郭門名也。緹羣，山名也。

出吳門，望緹羣。見一蹇人，言欲上天。今天可上，地下安得民。

漢博南謠

明帝永平十年，置允牟、博南二縣，割益州郡西部都尉所領
六縣，合爲永昌郡。始通博南山，度蘭倉水行者苦之，歌曰：

漢德廣，開不賓。度博南，越蘭津。度蘭倉，爲它人。

建安六年蜀中童謠

黃牛白腹，五銖當復。

逢萌新乎歌

逢萌首戴瓦
盆，哭于市。

新乎新乎

新莽
也。

會稽童謠

後漢書曰張霸永元中爲會稽太守時賊未解郡界不寧乃移書開購明用信賞賊遂束手歸附不煩士卒之力於是有童謠

棄我戟捐我矛盜賊盡吏皆休

後漢順帝末京都童謠

直如弦死道邊曲如鉤反封侯

後漢桓帝初小麥童謠

後漢五行志曰桓帝之初天下童謠按元嘉中涼州諸羌一時俱反南入蜀漢東抄三輔延及并冀大爲民害命將出衆每戰常負中國益發甲卒麥多委棄但有婦女獲刈之也吏買馬軍具車者言

調發重及有秩者也請爲諸君

鼓囀胡者不敢公言私咽語也

小麥青青大麥枯誰當穫者婦與姑丈夫何在西擊胡吏買馬軍具車請爲諸君鼓囀胡

後漢桓帝初京都童謠

後漢五行志曰桓帝之初京都童謠至延熹末鄧皇后以譴自殺乃以寶貴人代之其父名武字游平拜城門校尉及太后攝收爲大將軍與太傅陳蕃合心戮力惟德是建印綬所加咸得其人豪貴

大姓皆

絕望矣

游平賣印自有平不避豪賢及大姓

後漢桓帝初城上烏童謠

後漢五行志曰桓帝之初京都童謠城上烏尾畢逋者處高利獨食不與下共謂人主多聚斂也公爲吏子爲徒者言變夷將畔逆父卽爲軍吏其子又爲卒徒往擊之也一徒死百乘車者

言前一人往討胡卽死矣後又遣百乘車往也車班班入河間者言桓帝將崩乘輿班班入河間迎靈帝也河間婦女工數錢以錢爲室金爲堂者靈帝既立其母永樂太后好聚金以爲堂也石上慊慊春黃梁言永樂唯積金錢慊慊常若不足使人春黃梁而食之也梁下有懸鼓我欲擊之丞卿怒者言永樂主教靈帝使賣官受錢所祿非其人天下忠篤之士怨望欲擊懸鼓以求見丞卿主鼓者亦復諂順怒而止我也

城上烏尾畢逋公爲吏子爲徒一徒死百乘車車班班入河間河間姪女工數錢以錢爲室金爲堂石上慊慊春黃梁梁下有懸鼓我欲擊之丞卿怒

後漢桓帝末京都童謠

後漢書五行志曰桓帝之末京都童謠按解犢亭屬饒陽河間縣也居無幾何而桓帝崩使者與解犢侯皆白蓋車從河間來延延衆貌也是時御史劉儵建議立靈帝以儵爲侍中中常侍侯覽畏其

親近必當問已自拜儵太山太守因令司隸迫促殺之朝廷少畏思其功效乃拔用其弟郃致位司徒此爲合諧也

白蓋小車何延延河間來合諧河間來合諧

漢元帝時童謠

井水溢滅竈煙灌玉堂流金門

漢成帝建始二年三月北宮中井泉稍上溢出井水陰也竈烟陽也玉堂金門至尊之居象陰盛而滅陽竊有宮室之應也後有王莽之禍

桓帝延熹二年四侯謠

漢以誅梁冀功封宦者單超左瑄具瑗徐璜唐衡爲五侯在帝左右縱其姦惡家有數侯子弟列布州郡賓客雜襲騰翥海內慍曰一將軍死五將軍出其後超死四侯轉橫天下爲之語曰

左回天具獨坐徐臥虎唐兩墮

回天言勢動人主也獨坐言驕貴無偶也

後漢桓帝末時謠

茅田一頃中有井四方纖纖不可整嚼復嚼今年尙可後年饒

一作饒嚼平聲京都飲酒相強之辭

靈帝中平中董逃歌

承樂世董逃遊四郭董逃家天恩董逃帶金紫董逃行謝恩董逃整車騎董逃重欲發董逃與中辭董逃出西門董逃瞻宮殿董逃望京城董逃日夜絕董逃心摧傷董逃

按董謂董卓也言雖跋扈終歸逃竄至于滅亡也

布乎歌

士孫瑞王允謀誅董卓有人書呂字于布上貢而行歌于市有告卓者卓不悟